



PRIVREDNA/GOSPODARSKA KOMORA
FEDERACIJE BOSNE I HERCEGOVINE

Glasnik

Broj 156 decembar/prosinac 2017. Godina XVI


ISSN 1840-0310

*II poslovni forum
Privredne/Gospodarske komore F BiH
Info dan Halal industrije*

ISSN 1840-0310



9 771840 031004



**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XVI
decembar/prosinac 2017.

GLASNIK uređuje
Redakcijski kolegij:

Mirsad Jašarspahić dipl.ig.maš.
dr.sci.Marko Šantić dipl.ecc.

Glavni urednik
Amela Kečo dipl.prav.

Izvršni urednik
Željko Raguž dipl.ecc.

Almin Mališević dipl.ing.maš.
Erina Lasić dipl.ing.agr.

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com

Telefoni: 033 566 300, 217 782,036/332-963
Fax: 033 217 783,036/332-966

www.kfbih.com

Priprema i izdaje:
Privredna/Gospodarska komora FBiH

Cijenjeni privrednici,

pred Vama je posljednje izdanje e- Glasnika za 2017.godinu Privredne/Gospodarske komore F BiH.

Iz mnogobrojnih aktivnosti u mjesecu decembru izdajamo:

Već drugi put poslovnu godinu završavamo Poslovnim forumom.

Ovogodišnji drugi poslovni forum je održan pod pokroviteljstvom premijera Vlade F BiH gosp. Fadila Novalića. Iz sadržajne agende II poslovnog foruma izdajamo prezentaciju "100 investicijskih projekata", te dvije panel diskusije na temu: "Javno privatno partnerstvo" i "Usklađivanje obrazovnog sistema sa potrebama tržišta rada – izazovi odliva kadrova (od majstorskih do inženjerskih)"

Tradicionalno održavanje Info dana po djelatnostima 2017. godine završavamo sa Info danom halal industrije.

Rubrika Uspješne priče u ovom broju pripada uspješnoj kompaniji "Euro stil d.o.o.Doboj, članici grupacije HIFA OIL.

U rubrici bh proizvod predstavljamo uslugu Hrvatskih pošta d.o.o.Mostar . Iz ove kompanije nam poručuju: "Najbrži, najjednostavniji, siguran i povoljan način slanja i primanja novca putem pošte".

Na stranicama koje slijede donosimo i druge zanimljive i korisne informacije.

Cijenjeni privrednici, partneri i prijatelji uz veliku zahvalnost na podršci i povjerenju, želimo Vam sretnu i uspješnu 2018. godinu.

Redakcijski kolegij

Održan II poslovni forum Privredne/Gospodarske komore FBiH



II POSLOVNI FORUM

PRIVREDNE/GOSPODARSKE KOMORE
FEDERACIJE BiH

Sarajevo, 12.12.2017.godine

pod pokroviteljstvom premijera Vlade Federacije BiH gosp. Fadila Novalića



Dana 12.12.2017. godine u Sarajevu održan je II poslovni forum Privredne/Gospodarske komore Federacije Bosne i Hercegovine, koji je ove godine realiziran pod pokroviteljstvom premijera Vlade FBiH gosp. Fadila Novalića.



II poslovni forum bio je posvećen dvije aktuelne teme i to:

- modelu javno-privatnog partnerstva kao načinu pokretanja investicijskih projekata, te
- tematici usklađivanja obrazovnog sistema sa potrebama tržišta rada i sprečavanja odliva kadrova.



Na početku II poslovnog foruma, učesnicima su se obratili potpredsjednici Federacije Bosne i Hercegovine mr. sc. dr. Melika Mahmutbegović i gosp. Milan Dunović, kao i predsjednik Privredne/Gospodarske komore FBiH gosp. Mirsad Jašarspahić.

Poslovni forum otvorio je premijer Novalić, iz čijeg uvodnog izlaganja izdajavamo ostvrt da je zbog rasta BDP-a, povećanja zaposlenosti i pokrivenosti uvoza izvozom, sada pravi trenutak da se intenziviraju zakonska rješenja, mogućnosti i volja da se radi na javno-privatnim partnerstvima.

Prisutnima je potom predstavio 100 prioriternih projekata Vlade FBiH, čija ukupna vrijednost iznosi više od 20 milijardi KM. Prioritetni projekti podijeljeni su u 5 sektora: energetika, industrija, poljoprivreda, transport, te turizam i zaštita čovjekove sredine, a za svaki projekat urađen je profil kako bi mogli biti prezentovani zainteresiranim investitorima. Premijer Novalić istakao je kako se radi na intenzivnoj ciljanoj promociji ovih projekata, po principu direktne promocije potencijalnim investitorima. Kao primjer izdvojio je izgradnju dionice željezničke pruge Vareš – Banovići, čijom bi se izgradnjom za minimalno 130 km skratila sadašnja trasa Luka Ploče – Luka Brčko, odnosno Sarajevo – Tuzla.

Naglasio je kako se trenutno vode intenzivni pregovori o ovom projektu sa potencijalnim investitorima, konkretno sa jednom velikom domaćom kompanijom i potencijalnim investitorima iz Kine. Kao prepreke realizaciji javno-privatnih partnerstava općenito izdvojio je nedovoljnu političku posvećenost primjeni javno-privatnog partnerstva, opširan zakonski okvir sa ukupno 12 zakona o javno-privatnom partnerstvu, nedostatak kapaciteta javnog sektora za primjenu JPP, te nedostatak kapaciteta i interesa privatnog sektora kad je u pitanju ovaj model investiranja.



Prva panel diskusija u sklopu Forumu bila je također posvećena javno-privatnom partnerstvu i primjeni, odnosno nedostatku značajnije primjene ovog modela u BiH. Panel je moderirala gđa Aida Soko, savjetnica premijera FBiH.



Panelisti u ovoj diskusiji – prof. dr. Veljko Trivun, redovni profesor na Ekonomskom fakultetu i pravni ekspert za javno-privatno partnerstvo, gosp. Siniša Kisić, koordinator Brčko Distrikta u Vijeću ministara BiH, federalni ministar razvoja, poduzetništva i obrta gosp. Amir Zukić, te direktor Aluminija d.d. Mostar gosp. Mario Gadžić – iz svog ugla viđenja govorili su o modelu javno-privatnog partnerstva, interesovanju privatnog sektora za JPP i preprekama koje je potrebno ukloniti kako bi se javno-privatna partnerstva realizovala u većoj mjeri, a po uzoru na provjerene modele iz drugih država.



Gosp. Siniša Kisić predstavio je iskustva iz do sada jedinog realizovanog javno-privatnog partnerstva na području BiH – izgradnje Centra za dijalizu u Brčko Distriktu u saradnji sa njemačkom firmom „Fresenius Medical Care“.





**PRIVREDNA/GOSPODARSKA KOMORA
FEDERACIJE BiH**

Da li je moguća realizacija projekta JPP u bh uslovima?

“Fresenius” Brčko Distrikt BiH

Jedini zvanični JPP projekt u BiH,
je Klinika za liječenje dijaliziranih
bolesnika Fresenius u Brčko Distriktu BiH
koji je realizovan 2011. godine i
vrijedi pet miliona eura.
Ovo je najsavremeniji dijalizni centar u zemljama
nastalim na prostorima bivše
Države, izuzev Slovenije.



Zdravstvena ustanova Fresenius
Medical Care Centar za dijalizu
d.o.o.Brčko Distrikt BiH
ul.Banjalučka br. 3.
76000 Brčko



**PRIVREDNA/GOSPODARSKA KOMORA
FEDERACIJE BiH**

II poslovni forum

Panel diskusija:

**“Usklađivanje obrazovnog sistema sa potrebama
tržišta rada – izazovi odliva kadrova (od
majstorskih do inženjerskih)”**

Moderator panela: Ranko Markuš Rukovodilac projekta zapošljavanja
mladih



U sklopu drugog panela bilo je riječi o tome kako prilagoditi obrazovni sistem potrebama tržišta rada i spriječiti odliv kadrova u druge zemlje.

Učesnici ovog panela, koji je moderirao rukovodilac Projekta zapošljavanja mladih doc. dr. Ranko Markuš, predstavljali su obje interesne strane ove teme. Prof. dr. Branko Vučijak, prodekan za naučnoistraživački rad na Mašinskom fakultetu Sarajevo i prof. dr. Elvir Čizmić, prodekan za naučnoistraživački rad, doktorski studij i projekte na Ekonomskom fakultetu u Sarajevu podcrtali su značaj sticanja primjenjivih znanja i vještina na fakultetima, kao i o razvijanja poduzetničkih sposobnosti kod studenata, bez obzira na konkretno područje studija.

Direktor Mještovite srednje škole Tešanj gosp. Muharem Saračević govorio je o primjeni dualnog sistema obrazovanja kao načinu usklađivanja obrazovanja sa potrebama tržišta, te iznio iskustva Mješovite srednje škole u njegovoj primjeni. Gosp. Kenan Nalbantić, član uprave Prevent BH i gosp. Muhamed Pilav, direktor firme MS&WOOD govorili su o tome kako se njihove firme nose sa problemom nedostatka kvalifikovane radne snage i kako, u nedostatku sistemskog rješenja, kroz vlastite programe obuka obezbjeđuju potrebne radnike. Kvalitetna i aktivna diskusija koja je uslijedila nakon ovog panela govori o tome koliko ova problematika zaista tišti bh. privredu.



Iz dijela intenzivnih priprema ovog foruma, vrijedne kolege iz tehničkog dijela organizacije zabilježili su dio atmosfere:





Na kraju Foruma utvrđeni su sljedeći zaključci:

1. Učesnici II poslovnog foruma smatraju da treba pristupiti realizaciji mjere Reformske agende "100 investicijskih projekata", i to sinergijom svih relevantnih institucija, potencijalnih investitora, izvođača radova, komora, i dr. čijom implementacijom bi BiH, odnosno F BiH trebala doživjeti sada već procijenjeni ekonomski i socijalni preobražaj.
2. Model Javno privatnog partnerstva je potrebno definisati na temelju neovisnog i stručnog mišljenja pravne, ekonomske i tehničke struke kako bi se usvojio najprihvatljiviji model za bh uslove, vodeći računa o svim pozitivnim i negativnim aspektima ovog instituta.
3. Institut javno privatnog partnerstva u F BiH je u što skorije vrijeme potrebno definirati kroz odgovarajući okvir, odnosno sistem koji bi na budućeg javnog i privatnog partnera postao model principu provodivosti, fleksibilnosti, prihvatljivosti, sistematičnosti i povjerenja pozitivne ekonomske bh priče.
4. Učesnici II poslovnog foruma su saglasni da je odlazak radne snage iz BiH evidentan problem našeg privrednog ambijenta, sa dalekosežnim posljedicama, zbog čega je neophodno urgentno poduzeti određene, odgovarajuće mjere kako bi do sada prepoznate razloge i motive trajnog odlaska u druge zemlje sveli na minimum.
5. U pravcu definiranja strateških mjera i ciljeva za zaustavljanje trenda odlaska radne snage u druge zemlje, potrebno je aktivno učešće svih relevantnih institucija, poslodavaca, komora, školskih ustanova i institucija, kako bi cjelokupan ambijent učinili vrijednim ostanka u državi sa jasnom perspektivom.
6. U definiranju i implementaciji zakonodavnih okvira, kojima se kreira rad kompletne poslovne zajednice, neophodno je uključivanje privrednika, kako bi se izbjeglo administrativno donošenje rješenja koja su teško ili nikako provodiva. Sva negativna i nepovoljna zakonska rješenja se odražavaju na rad privrednih društava, radnika, i u konačnici na državu.
7. Neophodno je urgentno definirati strateške i programske ciljeve po kojima bi se kontinuirano usklađivala ponuda obrazovnog sistema sa potrebama tržišta rada, kako bi Bosna i Hercegovina spremno dočekala kraj tranzicijskog perioda, sa velikim potencijalom u kvalificiranoj radnoj snazi.
8. Učesnici II poslovnog foruma šalju jasnu poruku:
Javno privatno partnerstvo je model koji treba promovirati na način da se obezbijedi ključni elemenat uspješnosti istog, a to je obostrano POVJERENJE javnog i privatnog partnera i samosvjesnost o prednosti slijedeći pozitivnu praksu iz drugih zemalja.
Iako je odliv radne snage iz BiH evidentan i veliki problem za privredu i državu uopšte, potrebno je na svim nivoima, ovaj problem razumijevati kroz prizmu razlikovanja razloga za odlazak i motiva za odlazak, te činjenicu da li se radi o trajnom odlivu kadrova ili odlasku na školovanje a potom i povratku "oformljenog" kadra.
9. Poslovna zajednica je saglasna da se nastavi sa održavanjem ovakvih skupova - Poslovnog foruma i u narednim godinama, kako bi se u neporednom dijalogu o aktuelnim temama sagledali svi izazovi i pozitivne strane, te dale smjernice svim relevantnim sudionicima za odgovarajuće opšte privaćene mjere i modele daljeg razvoja naše privrede.

Privredna/Gospodarska komora FBiH se iskreno zahvaljuje

- privrednicima na izuzetnoj podršci,
- predstavnicima federalnih, kantonalnih i općinskih institucija vlasti koji su svojim aktivnim učešće doprinijeli uspješnoj realizaciji ovogodišnjeg Poslovnog foruma,
- svojim partnerima na povjerenju i saradnji.

"Postoji jedna stvar jača od svih oružja na svijetu, a to je ideja čije vrijeme dolazi." Victor Hugo

Pripremile: Amela Kečo i Aida Handžić

Održan Info dan Halal industrije



U okviru Info dana Halal industrije održan je cjelodnevni sadržajan program, koji je započeo u prijevodnevni satima, održavanjem Sjednice Upravnog odbora Udruženja Halal industrije P/G komore Federacije BiH.

Otvarajući Info dane Halal industrije, koji su se održali u velikoj Sali Komore, prisutne je pozdravio i zaželio im dobrodošlicu, predsjednik Privredne /Gospodarske komore FBiH gosp. Mirsad Jašarspahić.

Naglasio značaj i ulogu Halal industrije u ukupnoj predaivačkoj industriji i izvozu Bosne i Hercegovine, ističući činjenicu da je komora osnivanjem Udruženja Halal industrije prepoznala potrebu za osnivanje istog i time privrednicima omogućila priliku zajedničkog organiziranja radi nastupa kako na bh tako i na probirljivim ino tržištima.

U prisustvu predstavnika firmi Bimal Brčko, Bingo Tuzla, Klas Sarajevo, Vispak Visoko, Ledo Čitluk, Drampek Tuzla, Poljorada Travnik, BBI Banka Sarajevo, GHB invest SAHAF Sarajevo, Agencije za certificiranje Halal kvalitete IZ BiH, te Ministarstva inostranih poslova BiH, Ambasada Saudijske Arabije i Turske, održane su prezentacije dvogodišnjih aktivnosti Udruženja Halal industrije kao i prezentacija Agencije za halal certificiranje IZ o cijelokupnoj halal industriju u BiH.

Prisutnima se obratio i predstavnik odjela ekonomske diplomatije, MIP-a BiH gospodin, Emin Korkut, , ističući značaj organizovanja bh privrednika kroz Udruženje Halal industrije pri P/G komori FBiH.

Govorio je o zajedničkim aktivnostima ministarstva sa P/G komorom i pozvao prisutne da putem komore iskažu interes za povezivanjem sa tržištem Libije, ističući da je pripremi potpisivanje memoranduma o poslovnoj saradnji P/G Komore FBiH i komora gradova Tripoli i Misurata čime bi se i tehnički stvorili uvjeti za otvaranje ovog za bih proizvođače već od ranije poznatog tržišta.

Ispred ekonomskog odjela ambasade Republike Turske prisutne je pozdravio gospodin Amor Avdić, naglasivši dobru dugogodišnju saradnju sa P/G komorom Federacije.

Istakao značaj Udruženja Halal industrije po pitanju još efikasnijeg izvoza halal certificiranih proizvoda kako na višemilionsko tursko tržište tako i na probirljiva ino tržišta.

Info dani Halal industrije su bili dobra prilika za prezentaciju komorskog Udruženja Halal industrije, firmi člancu kao i firmi čije se poslovanje baziraju na Halal kvaliteti. Nakon završenog oficijelnog dijela programa u toku jednosatnog druženja, privrednici su uživali u degustaciji suhomesnatim proizvodima firme Madi i Tešnja kao i konditorskom programu Klasa Sarajevo, koji ovih dana proslavlja i veliki jubilej 115. godinana osnivanja.



Pripremio: Emir Pašić dipl.ecc.

Grupacija automobilske industrije PKFBiH



Predsjednik Privredne Komore FBiH gosp. Mirsad Jašarspahić je 15.12.2017. godine za potrebe Grupacije automobilske industrije, nastavljajući planirane aktivnosti na Projektu „Razvoj automobilske industrije FBiH“, boravio u kompaniji Wolfsburg AG i tom prilikom dogovorio korištenje ureda u sklopu Inovativnog kampusa Wolfsburg AG. Tome je prethodilo nekoliko sastanaka između Grupacije automobilske industrije Privredne Komore FBiH i Wolfsburg AG-a o mogućnostima zajedničke saradnje, povezivanju sa njemačkim proizvođačima automobila kao i korištenje kancelarije kao i ostale infrastrukture unutar kampusa. Wolfsburg AG je u vlasništvu kompanije Volkswagen i grada Wolfsburga, a jedno od polja djelovanja ove kompanije je podrška firmama koje se bave proizvodnjom automobilskih komponenti. Cilj ove aktivnosti je obezbjeđenje uslova za intenzivno i institucionalno prisustvo predstavnika Grupacije automobilske industrije kroz partnerski odnos sa Inovacijskim kampusom Wolfsburg AG a zbog stvaranja pretpostavki za značajnije učešće bh. proizvođača automobilskih dijelova kako u Volkswagenu tako i kod drugih Njemačkih proizvođača automobila. Kancelariju će predstavnici grupacije automobilske industrije koristiti kao checkpoint i mjesto sastanaka a zbog intenziviranja aktivnosti koje su planirane u narednom periodu.

Tokom prvog zvaničnog sastanka održanog u uredu Grupacije automobilske industrije PKFBiH pri Inovacijskom kampusu Wolfsburg AG, sa partnerima iz Wolfsburg AG precizirani su detalji već najavljenog i rezervisanog zajedničkog nastupa naših kompanija koje se bave proizvodnjom automobilskih komponenti na internom sajmu Volkswagenovih dobavljača IZB 2018, koji će se održati u oktobru u Wolfsburgu 2018. godine. Naime, radi se o najznačajnijem sajmu za dobavljače Volkswagena gdje

se na jednom mjestu dobavljači sa svojim proizvodima i novitetima predstave predstavnicima Volkswagena i gdje se uspostavljaju značajni kontakti kako sa predstavnicima Volkswagena, tako i sa njihovim velikim dobavljačima. Dogovoreno je obezbjeđenje kolektivnog izlagačkog prostora za članove Grupacije automobilske industrije i sa predstavnicima Wolfsburg AG kao organizatorom sajma dogovoren je način učešća i ostale aktivnosti kako bi firme iz naše automobilske grupacije bile predstavljene na najbolji mogući način.

Inače, Projekat „Razvoj automobilske industrije FBiH“ koji provodi Privredna komora FBiH je prepoznat i podržan od Vlade FBiH. Zbog značaja i potencijala bh. automobilske industrije, preuzimanje kancelarije i sastanak oko daljih aktivnosti na projektu je protekao i uz prisustvo predstavnika naše BH Agencije za promociju investicija (FIPA) čime su na još jedan snažan način predstavljene potencijali i iskustva razvijanja biznisa sa BH proizvođačima naglašavajući sistemski i institucionalni okvir podrške.

U ime naših članica organizovanih kroz Grupaciju automobilske industrije očekujemo da Vlade i ministarstva prepoznaju automobilsku industriju kao stratešku granu i obezbijede nam podršku koja će rezultirati značajnim povećanjem radnih mjesta, povećanju izvoza, pružanje prilike mladim ljudima da ostanu u BiH da svoju egzistenciju obezbijede radeći u automobilskoj industriji. Privredna/Gospodarska komora FBiH će nastaviti započete aktivnosti i sa članovima i drugih strukovnih udruženja predlagati nadležnim institucijama mjere koje će kao u ovom slučaju osiguravati bolji startni položaj prilikom osvajanja zahtjevnog tržišta u sektorima visokog stepena finalizacije.

Pripremio: Almin Mališević dipl.ing.maš.

PKFBiH učestvovala u konferenciji "Machinery and Plant Engineering" i

Promociji investicionih i privrednih potencijala BiH u Beču

Na poziv Federalne privredne komore Austrije, delegacija privrednika iz BiH predvođena predsjednikom Privredne komore FBiH gosp. Mirsadom Jašarspahićem i direktorom Agencije za promociju izvoza Vanjskotrgovinske komore BiH gosp. Enesom Ališkovićem je učestvovala na međunarodnoj konferenciji „Machinery and Plant Engineering“ u Beču 28. i 29.11.2017. godine, sa učesnicima i predstavnicima kompanija iz preko 20 zemalja Evrope i svijeta.



Bh. privredni subjekti koji su se odazvali i iskoristili ovu šansu su: Deling d.o.o. Tuzla, TTO Sarajevo, Femetall d.o.o. Zenica, Tvornica alata Goražde, PIMS elektrooprema Odžak, Junior-Eko-Termik Jelah.

Konferencija i B2B razgovori su pružili mogućnosti našim predstavnicima da se upoznaju sa dobavljačima, kupcima i poslovnim partnerima razvijenog i zahtjevnog austrijskog tržišta iz oblasti mašingradnje, metalne industrije i proizvodnog inženjstva. Iskorištena je šansa da se upoznaju budući kupci i dobavljači, usvoje nova saznanja o najaktuelnijim industrijskim trendovima, prezentuju novi projekti, te iniciraju novi prekogranični kontakti.

Značajno je napomenuti da je Bosna i Hercegovina jedina zemlja iz regiona koja s Austrijom ima suficit u vanjskotrgovinskoj razmjeni, što je u više navrata istaknuo gosp. Phillippe Kupfer, direktor predstavništva Austrijske privrede u BiH, kao i gosp. Christian Knill, predsjednik Asocijacije metalne industrije u Austriji, koji je ujedno i jedan od austrijskih investitora koji uspješno realizuje investiciju u novi proizvodni pogon u BiH, tačnije u Živinicama u novoj poslovnoj zoni.



Drugog dana susreta predstavnici firmi su imali priliku posjetiti i značajne proizvodne pogone u okolini Beča po izboru organizatora, a predstavnici PKF BiH i VTK BiH su kao panelisti učestvovali na još jednom značajnom događaju u organizaciji Ambasade BiH u Beču i Federalne privredne komore Austrije, na temu „Promocija investicionih i privrednih potencijala Bosne i Hercegovine“, gdje su zajedno sa predstavnicima FIPA-e, Privredne komore RS, te firma koje su primjer uspješnih investicijskih priča u BiH (Austrotherm GmbH i Studen & Co Holding GmbH) pred oko stotinu austrijskih predstavnika na najbolji način predstavili sve mogućnosti i primjere dobre prakse u BiH.

Gosp. Konstantin Bekos, regionalni menadžer Austrijske privrede za Jugoistočnu Evropu i gosp. Phillippe Kupfer, direktor predstavništva Austrijske privrede u BiH, su svim gostima sa velikim poštovanjem napomenuli porast privredne saradnje sa Bosnom i Hercegovinom, otvoreno pozivajući da prate iskustva uspješnih priča sa bh. partnerima.



Duboko se zahvaljujemo organizatorima na izuzetno pozitivnom predavljanju bh. privrednika, te uz veliko poštovanje čestitamo osoblju Ambasade BiH, na čelu sa Nj.E. ambasadorom Tomislavom Lekom, na organizaciji i potpori. Ovo je bio primjer kako privrednici, privredne komore, FIPA i diplomatsko predstavništvo na najbolji način predstavljaju i zastupaju svoju zemlju.

Delegacija Ekonomskog i društvenog razvojnog fonda Libije posjetila P/G komoru Federacije BiH



Posredstvom Ministarstva inostranih poslova BiH, dana 06.12.2017.godine u P/G komori FBiH, upriličen je radni sastanak sa delegacijom Ekonomskog i društvenog razvojnog fonda Libije.

Nakon uvodnih riječi dobrodošlice predsjednika P/G komore FBiH Mirada Jašarspahića i predstavnika Energoinvesta Sarajevo, gosti su u toku jednosatnog sastanka prezentirali mogućnosti Fonda sa posebnim osvrtom na zajednička ulaganja sa bh partnerima u oblasti industrije, turizma, građevine kako u Bosni i Hercegovini tako i u Libiji.

Početkom slijedeće sedmice, najavljena je posjeta privredne komore grada Misurata koja će tom prilikom sa P/G komorom FBiH potpisati Sporazum o poslovno tehničkoj saradnji, čime će se uistinu stvoriti dobre osnove za realizaciju zajedničkih projekata.

Pripremio: Emir Pašić dipl.ecc

Posjeta Energetskom parku Livno



Predstavnici Privredne/Gospodarske komore Federacije BiH posjetili su kompaniju ESCO ECO ENERGIJA i Energetski park Livno, u kojem toplana kao energent koristi drvenu sječku. Kogeneracijsko postrojenje na biomasu sastoji se od tri kotla ukupne snage 5 MW i prvo je takve vrste u BiH. Pored toga, krov i zidovi toplane obloženi su solarnim panelima, tako da je toplana među prvim objektima koji koriste i ovaj vid obnovljivih izvora energije. U svim objektima spojenim na toplanu izvedena je ugradnja kalorimetara kojima se vrši mjerenje potrošnje toplotne energije za svakog potrošača zasebno. Projekat Energetski park Livno istovremeno je doprinio ko-

rištenju obnovljivih izvora (biomasa i sunce), povećanju energijske efikasnosti i smanjenju emisija u okoliš.

Energetski park Livno pokazao se kao izuzetno uspješan projekat koji može biti primjer djelovanja javno-privatnog partnerstva u našoj zemlji, obzirom da je park u zajedničkom vlasništvu kompanije ESCO ECO ENERGIJA i Općine Livno. ESCO ECO ENERGIJA za svoja dostignuća na projektu Energetskog parka Livno dobila je najeminentniju nagradu u oblasti energetike Energy Globe National Award 2013.



Pripremila: Lejla Sadiković dipl.ing.maš.

Energetske zadruge u BiH



U Sarajevu je krajem novembra održana završna konferencija projekta „Energetske zadruge u BiH – ENZA 2“, koji provodi organizacija REIC u saradnji sa Fondacijom Heinrich Böll. Glavni cilj projekta je promoviranje koncepta energetskih zadruga i građanske energije. Dvije pomenute organizacije u sklopu projekta pružaju pomoć pri osnivanju zadruga u odabranim područjima.

Prezentirane su dosadašnje aktivnosti na promociji energetskih zadruga širom BiH te aktivnosti na osnivanju dvije zadruge. Jedna zadruga nalazi se u Prijedoru i bavit će se proizvodnjom biogasa iz stajnjaka. Druga zadruga smještena je u Nemili a kao energent koristi drvenu sječ-

ku. Projektni tim ENZA 2 predstavio je predložene tehnologije i finansijske aspekte za navedene zadruge dok su njihovi predstavnici govorili o motivima da u svojim sredinama pokrenu ove projekte. Kao gosti konferencije, o svojim iskustvima diskutirali su i predstavnici energetskih zadruga iz susjedne Hrvatske.

Zaključeno je da su za energetski zaokret od fosilne kao obnovljivoj energiji potrebni novi modeli razvoja energetike.

Tradicionalni model investiranja od strane velikih kompanija (državnih i privatnih) u zemljama EU pokazao se neadekvatnim. Države koje podupiru razvoj građanske energije, tj. lokalnu inicijativu u projektima održive energije, imaju uspjeha u energetskom zaokretu, jer kroz nje ga postižu čitav niz ciljeva održivog razvoja i uklanjanja barijera za korištenje obnovljivih izvora energije.



Pripremila: Lejla Sadiković dipl.ing.maš.

EURO STIL dobila prestižni Global GAP certifikat



Od strane predstavnika renomirane njemačke certifikacijske kuće TÜV Nord kompaniji EURO STIL, firmi kćerki HIFA OIL, dodijeljen je Global G.A.P. certifikat. Ovim je potvrda da kompanija EURO STIL, kao nosilac certifikata zajedno sa svojih 30 certificiranih kooperanata proizvodi maline po ovom standardu, odnosno na ekološki prihvatljiv način, vodeći računa o zaštiti životne sredine.

Riječ je dakle o grupnoj certifikaciji, u kojoj je uz EURO STIL kao nosioca certifikata vezano za sada 30 certificiranih kooperanata koji maline uzgajaju stalnim praćenjem vremenskih uslova i preventivnim djelovanjem na pojavu bolesti, stalnim monitoringom pojave štetočina i pravovremenim djelovanjem na njihovo suzbijanje, pri tom vodeći računa o životnoj sredini. Drugim riječima u pitanju je sveobuhvatna poljoprivredna proizvodnja, pri kojoj se fitosanitarna sredstva koriste samo i isključivo kada su potrebna, u cjelosti polažući računa o zdravoj životnoj sredini.

Prema riječima direktora kompanije EURO STIL g. Kemala Mujkanovića u ovom projektu su bili praktično zajedno sa svojim kooperantima, a kao kompanija pobrinuli su se za sve troškove implementacije i certifikacije. "Kako bi se izborili sa sve snažnijom konkurencijom na izuzetno zahtjevnim inozemnim tržištima potrebno je kontinuirano učenje u cilju podizanja nivoa kvaliteta proizvodnje i prerade. Stoga planiramo povećati u narednoj godini broj certificiranih kooperanata i raditi na uvođenju novih standard", izjavio je Kemal Mujkanović direktor kompanije EURO STIL.

U idućoj godini planirano je proširenje kultura koje će se otkupljivati, što predstavlja iskorak u poslovnom segmentu veleprodaje voća, kao i pomjeranje fokusa sa izvoza sirovina, prema izvozu polufabrikata i gotovih proizvoda.

EURO STIL već posjeduje najnoviji ISO 9001:2015 kojeg je također potvrdila njemačka certifikacijska kuća TÜV SÜD, kao i HACCP certifikat.

Statiestraat 164
 B-2600 Berchem-Antwerpen
 ☎ +32 3 287 37 60
 ☎ +32 3 287 37 61
 www.tuv-nord-integra.com
 info@tuv-nord-integra.com
 BE 0465 666 712

Certificate
GLOBALG.A.P.



TÜV NORD INTEGRA bvba, certification and inspection body, recognized by GLOBALG.A.P./ Foodplus, declares that the company :

Euro stil d.o.o.
 Nikole Tesle br 71, 74000 Dobož
 Bosnia and Herzegovina
 Registration Number - Integra 47666 - Reference number
 GGN 4059883152838

produces the products mentioned on this certificate in compliance with the requirements of GLOBALG.A.P. "IFA - Fruit and Vegetables (General Regulations v5.0-2_July2016 - Control Points and Compliance Criteria v5.0-2_July2016 - Option 2 - Producer Group)".

This certificate is valid for the products of the growers as detailed by the specifications in the appendix of this group certificate.

Product	GLOBALG.A.P. Certificate Number	Number of Producers
Raspberries	00057-NNHFT-0002	30

“Kvalitet nikada nije slučajnost; on je rezultat visokih ciljeva, iskrenog nastojanja, pametnog usmeravanja i veštog sprovođenja; Kvalitet znači mudar izbor među mnogim mogućnostima.” - William Adelbert Foster



Najbrži, najjednostavniji, siguran i povoljan način slanja i primanja novca putem pošte


Slanje i primanje novca - PostNet uputnica

Poslani novac stiže za 25 minuta na području BiH, Hrvatske, Crne Gore i Srbije!



Hrvatska pošta Mostar

besplatni
info telefon
080 088 088
www.post.ba





*Uz veliku zahvalnost na dosadašnjoj podršci i povjerenju
našim članicama, poslovnim partnerima i prijateljima*

Želimo

sretnu i uspješnu Novu 2018.godinu



**PRIVREDNA/GOSPODARSKA KOMORA
FEDERACIJE BOSNE I HERCEGOVINE**
CHAMBER OF ECONOMY OF THE FEDERATION OF BOSNIA AND HERZEGOVINA

